

Arjiga Deeqda Waxbarashada ee Waxbarashada Waqtiga Hore - Pathway I

Waa maxay deeqda Waxbarasho ee Waxbarashada Waqtiga Hore?

Deeqda Waxbarasho ee Waxbarashada Waqtiga Hore- Pathway I waxay kaa caawin karta inaad bixiso kharashka daryeelka caruurta iyo waxbarashada hore oo tayo sare leh si aad uga caawiso ilmahaaga inuu diyaar u noqdo kindergarten. Lacagta deeqda waxbarasho waxaa si toos ah loo siin doonaa goobta Daryeelka Caruurta ama goobta Waxbarashada Waqtiga Hore (Early education) ee uu Parent Aware qiimeeyay ee aad adigu doorato. Parent Aware waa qalab qiimeyn ah oo ka caawinaya waalidiinta inay doortaan barnaamijka daryeelka carruurta (child care) iyo barnaamijyada waxbarashada waqtiga hore oo tayo sare leh. Wixii macluumaad dheeraad ah, booqo [bogga Parent Aware](http://ParentAware.org) (ParentAware.org).

Halkee ilmahaagu ku isticmaali karaa deeqda waxbarasho?

Waxaad ku isticmaali kartaa Deeqda Waxbarashada ee Waxbarashada Waqtiga Hore - Pathway I goob xanaano caruureed kasta ama goobaha waxbarashada hore oo ay Parent Aware qiimaysay oo ku taalla Minnesota ee uu ilmahaagu si joogto ah u tago.

Looma baahna in ilmahaagu ku qoran yahay ama uu dhigto barnaamijka wakhtiga aad codsaneysid Deeqda Waxbarasho ee Waxbarashada Waqtiga Hore. Haddii aad u baahato caawimaad ku saabsan helitaanka barnaamijyada uqalma, fadlan la xiriir Maamulaha Nawaaxiga deeqda waxbarashada ama Parent Aware 888-291-9811 ama booqo [bogga Parent Aware](http://ParentAware.org) (ParentAware.org). Haddii ilmahaagu hadda dhigto barnaamij, laakiin aad jeclaan lahayd inaad sahamiso doorashooyin kale, way kaa caawin karaan taasna.

Tirada lacagta deeqda waxbarasho waxay ku saleysan tahay heerka qiimeynta Parent Aware ee barnaamijka aad doorato.

Heerka Qiimaynta Barnaamijka Parent Aware	Tirada Lacagta Deeqda Waxbarasho
Qiimaynta Afar-Xidig ee Parent Aware	Ilaa \$ 7,500 ilmihiiiba
Qiimaynta Sadex-Xidig ee Parent Aware	Ilaa \$ 5,000 ilmihiiiba
Qiimaynta Hal- ama Laba -Xidig ee Parent Aware	Ilaa \$ 4,000 ilmihiiiba
Waqti xaadirka Ka Qeyb Qaadanaya cutub haysta Qiimaynta Pathway Dhamaystiran	Ilaa \$ 3,000 ilmihiiiba

Ilmahaygu ma u qalmaa?

Deeqaha Waxbarashada ee Waxbarashada Waqtiga Hore waxay diyaar u tahay carruurta da'doodu tahay 3 ama 4 sano Siteembar 1, 2018, oo aan weli lagu qorin fasalka kindergarten.

Hoos waxaa ku qoran shax aad isticmaali karto si aad u go'aamiso in cunuggu u qalmo Deeq Waxbarashada ee Waxbarashada Waqtiga Hore, marka loo fiiriyo taariikhda dhalashadiisa.

Taariikhda dhalashada ilmaha	Da'da Xaq u leh Sebtembar 1, 2018	Ilmuhu ma u qalmaa deeq waxbarasho laga bilaabo Sebtembar 1, 2018	Ilmahani wali xaq ma u lahaan doonaa deeq waxbarasho laga bilaabo Sebtembar 1, 2019
Sebtembar 1, 2013 - Agoosto 31, 2014	4	Haa	MAYA, waa ka da'da weyn yahay
Sebtembar 1, 2014 - Agoosto 31, 2015	3	Haa	Haa
Sebtembar 1, 2015 - Agoosto 31, 2016	2	MAYA, wuu yar yahay: waa inuu buuxiyo/qaybaha mudnaanta leh	Haa

Carruurta eegga/hadda dhalatay ilaa 5 jir ayaa xaq u leh haddii ay buuxiyaan mid ama in ka badan shuruudaha soo socda:

- Waalidka ilmaha ayaa ka yar da'da 21 jir isla markaasna hadda ku jira dugsi sare ama dibloomada iskuulada guud (GED). Waa inaad keentaa caddayn qoran oo ah ka qayb qaadashada hadda oo ku qoran warqadda rasmiga ee goobta aad waxka barato; ama
- Ilmuhu ku jiro xanaanada kumeelgaarka ah (foster care) adeegyada ilaalinta caruurta (protective services); ama
- Qoysku haddii ay la kulmeen hoy la'aan 24kii bilood ee lasoo dhaafay; ama
- Ilmuhu uu leeyahay walaal la siiyay deeq waxbarasho oo uu ku jira isla barnaamijka, haddii loo heli karo miisaaniyada.

Ogoow: Qoysaska waa inay sidoo kale buuxiyaan shuruudaha u-qalmitaanka dakhliga ka-dib marka ay buuxiyaan ugu yaraan mid ka mid ah shuruudaha kore.

Shuruudo dheeraad ah

Waalidka ama mas'uulka sharciga ah ee ilmaha/carruurta oo keliya ayaa codsan kara Deeqda Waxbarashada ee Waxbarashada Waqtiga Hore - Pathway I, qoyskaaguna waa inay buuxiyaan shuruudaha soo socda:

Deegaanka - Waa inaad haysato cinwaan Minnesota ah (aad ku nooshay gobolka Minnesota).

Dakhli - Waa inaad haysataa dakhliga qoyska oo u dhigma ama ka yar 185 boqolkiiba heerka saboolnimada ee federaalka ah ama aad qaadato gargaar dadwaynaha oo ka mid ah barnaamij la ansixiyey ee gobolka ama federaaliga.

Shaxda hoose wuxuu ku saleysan yahay heerarka saboolnimada ee FY2018 ee lagu daabacay Diiwaanka Federaalka (Federal Register) Janaayo 18, 2018.

Tirada Qoyska	Dakhliga guud	Tirada Qoyska	Daqliga Guud
2	\$30,451	6	\$62,419
3	\$38,443	7	\$70,411
4	\$46,435	8	\$78,403
5	\$54,427	9	\$ 86,395

Qoyskii ka badan sagaal xubnood, ku dar \$ 7,992 xubin kasta oo dheeraad ah.

Sideen u Dalbadaa Deeqda Waxbarashada ee Waxbarashada Waqtiga Hore?

Si aad u dalbato Deeqda Waxbarashada ee Waxbarashada Waqtiga Hore - Pathway I, mas'uulka sharciga ah ee ilmuhu waa inuu raaca talaabooyinkan:

- Buuxi arjiga. Macluumaadka loo baahan yahay waxaa lagu calaamadeeyey xiddig.
- Keen caddaynta loo baahan yahay ee dakhliga ee ku qoran qaybta dakhliga Xulashada 1 (Option I) ama Xulashada 2 (Option 2) (jeega dabadiisa/xaqijinta MFIP, iwm.).
- Akhri oo saxiix Heshiiska si aad u waafaqdo shuruudaha iyo ogolaanshaha in aad nala Wadaagtid macluumaadkaaga.
- Soo gudbi arjigaaga.

Soo Gudbi Arjigaaga

Boostada ku soo dir ama u soo qaado arjiga aad soo buuxisay iyo dhammaan dukumeentiyada kale ee loo baahan yahay Maamulaha Nawaaxiga ee ku yaal meesha hoos ku taxan. **Arjiyada fakiska, ama arjiyada emailka ah looma tixgelinayo (siinayo) deeq waxbarasho.** Maamulaha Nawaaxiga wuxuu kuu soo diri doonaa warqad si uu kuu ogeysiiyo halka ay marayso Deeqda Waxbarashada ee Waxbarashada Waqtiga Hore ee Ilmaha - Pathway I. Haddii aad qabto su'aalo, la xiriir Maamulaha Nawaaxiga.

Maalgelinta waxaa bixisay Waaxda Waxbarashada ee Minnesota iyadoo la adeegsanayo maaliyada gobolka si ay u taageerto maamulida barnaamijyada deeqda waxbarashada ee waxbarashada waqtiga hore, Minnesota Statutes, section 124D.165.

Macluumaadka Xiriirka Maamulaha Nawaaxiga

Think Small
 ATTN: Early Learning Scholarships
 10 Yorkton Court
 Saint Paul, MN 55117
 Phone: 651-641-6604
 Thinksmall.org

